

534 Swie gern ich in næme dan,  
 doch mac mîn hêr Gawan  
 der minne des niht entwenken,  
 sine welle in vreude krenken.  
 5 waz hilfet denne mîn underslac,  
 swaz ich dâ von gesprechen mac?  
 wert man sol sich niht minne wern,  
 wan den muoz minne helfen nern.  
 Gawan durch minne arbeit enpfienç;  
 10 sîn vrouwe reit, ze vuoz er gienc.  
 Orgeluse unt der degē balt,  
 die kômen in einen grôzen walt.  
 dennoch muoser gêns wonen.  
 er zôch daz pfert zuo zeime ronē.  
 15 sînen schilt, der ê drûfe lac,  
 des er durch schildes ambet pflac,  
 nam er ze halse; ûfz pfert er saz.  
 ez truog in kûme vûrbaz  
 anderhalben ûz in erbouwen lant.  
 20 eine burc er mit den ougen vant;  
 sîn herze unt diu ougen jâhen,  
 daz si erkanten noch gesâhen  
 dekeine burc nie der gelîch.  
 si was alumbe rîterlîch.  
 25 tûrne und palas  
 manegez ûf der bûrge was.  
 dar zuo muoser schouwen  
 in den venstern manege vrouwen;  
 der was vier hundert oder mêr,  
 30 viere under in von arde hêr.

in (om. I) nû n. \*G (nur GI) \*T (ohne O)  
 Sône (Sonen V) mac \*T  
 des om. \*T  
 w. im vröude \*G \*T

wan in m. m. (minnen U [V]) helfe ([s\*]: helfe T) n. (mern U). \*T  
 m. nôt ([\*]: arbeit V) e.; \*T (nur T)

d. balt \*T  
 die om. \*T

er vuorte daz \*T (nur T)

den ([\*]: Den V) nam \*T  
 trûege \*G (nur GIL)  
 in ein ([\*]: ein V) erbûwen \*T (L)

unde sîniu ([\*]: sine V) ou. \*T

nie om. \*T (nur TU) I  
 si was a. rîchelîch. \*T (nur T)

in den v. (indem venster I) m. schoene vr.; \*T (I)  
 der wâren v. h. unde (om. U V) o. (om. O) mêr, \*T

\*D: D \*m: m \*G: G I L Z Fr19 \*T: T U V O

1 Initiale D G L Z Fr19 · Versal T 2 Majuskel T 4 Überschrift: Wie Gawan mit lischosen vaht V 9 Illustration mit Überschrift: Also gawan mit liscosie vaht an des wassers staden m · Initiale m I 11 Überschrift: Wie Gawan mit lischosen vaht V · Initiale T U V O 25 Majuskel T

4 in] im \*m 16 schildes] ritters \*m 21 diu] di D 22 noch] und \*m 23 burc] om. \*m 25 beide tûrne und palas \*m 28 venstern] vestern D